

انگلی لاءِ آجی ٹکا۔ جنر



تربتي سریز: 16

انگولاء آجوئی ء جنز

بلوچ اسٹوڈنٹس آرگنائزیشن. آنراد

انگولاء آجونىء جننز

چھاپ: 2023/تنءءاء: www.bsoazad.org

ؤس: عطاءء شاءؤ ءگرى كالج ءربء

دِگوش: اے کتابک چہ ڈاکٹر فیروز احمد ء کتاب ”انگولائی آزادی“ ء گیشینگ ء نبشتہ کنگ بو تگ۔ اے کتابک بی ایس او آزادیء باسک ء بلوچ ورنابانی سیاسی ہیلکاری ء واستہ تیار کنگ بو تگ۔ سگار پبلی کیشنز ء جہد ہمیش انت کہ آوتی آجوتی ء جنز ء جاورا لاں ہوار ایدگہ دنیا ء راجی آجوتی جنزانی تجربگ ء راستیاں بلوچ ورناء بی ایس او آزادیء باسکاناں پوہ ء سر پد بہ کنت، دانکہ آبلوچ راجی آجوتی ء جنز ء راستیں ڈروشم دیگ ء ہاتر ء جہد بہ کن انت ء بلوچ آجوتی جنز ء مہکمیں رنگے ء گوں سو بھندی ء وتی سر جمیں جوہر ء بودشاں کار مرز بہ کن انت۔ اے سگار پبلی کیشنز ء نیمگ ء شانزدہمی سیریز انت۔

انگولاء بُند پتر ء کسانیں چمشانک

انگولاء اپریکہ ء زربار (جنوب) ء بحر الاقیانوس ء استیں اپریکی ملکہ کہ آچار
 لک ہشتاد ء یک ہزار مربع میل ء کچیں مزینیں زمینے ء واہندانت۔ انگولاء
 سیمسر گوریچان ء گول زائر، زرباری رودراتک ء گول اپریکی ملک زیمبیا ء
 زربار ء گول نمیبیا ء ہواریں سیمسری سیادی دارانت۔ انگولاء راک ہزار
 میل ء کچے مزینیں تیاہدپے آست انت کہ چرائی ء چہ اپریکہ ء براعظم ء میان
 اُستمانی تا کتانی واستہ مزینیں ارزشتہ دارایت۔ ہمے رنگ ء چہ زری ارزشت
 ء مکام ء سبب ء آئی ء ہمساہگین ملک زائر کہ آئی ء تہ ء سک کسانیں زرے
 آست کہ آزرپہ بیار (کاروبار) ء ہاتر ء مزینیں کسا سے ء پائید گمندنہ انت۔
 ہمے رنگ ء زیمبیا کہ چہ زر ء سرجم ء زبہرانت ء بیار ء ہاتر ء انگولاء مہتاج

انت۔ انگولاءِ معشیت گوں کشتہ ء کشارء بندوک انت ء
 کہوہ (Coffee) ملک ء مسترین کشار انت۔ ایشی ء ابید کر پاس، تمباکو ء
 سائل ہم مزین کسائے ء کشتگ بیت۔ سائل ء چہ ساد جوڑ کنگ بیت۔
 کشتہ ء کشارء ہوار انگولاءِ مزین کسائے ء زمینی مان ء
 گواجن (Resources) آست انت۔ تیل ء مزین چات ء آر جل
 (ہیرا) ہم مزین کسائے ء انگولاءِ دست کپ انت۔ چہ ہمے گواجنانی
 (Resources) سبب ء زور آوریں تاکت مدام انگولاءِ وتی ایر دست
 کنگ لوٹ انت۔

انگولاءِ لس مہلوک بازیں ٹکل گوں بندوک انت ء اے ٹکانی تہ ء
 کمبندو، اوومبندو ء بکاٹو انگولاءِ مسترین ٹک۔ انت ء اود ء چہ منندیں مردمانی
 دود ء ر بیدگ ء زند گوازینگ ء رسم ء رواج یک انت۔ 1473 ء وھد ء
 پر تگال جنائیں ملک ء دمگال لشکر کشی کنان ء انگولاءِ کیت انت ء بندات ء
 انگولاءِ بکاٹو ٹک ء وتی ایر دست جوڑ کنت ء آیاں گلام دارگ ء سبب ء ماں
 دنیاءِ بیپاری (کاروباری) نہاد یگان بہا کنگ ء ڈرچے بندات کنت۔ وھدے
 دنیاءِ پر تگالی گلامانی لوٹ گیش بیت گڑا دی متر ء پر تگال کمبندو ٹک ء مردماں

ہم وتی ایر دست کن آنت ء آھاں دنیا ء گلام ء حساب ء بہا کن آنت۔ ہمے
 رنگ ء 1700 ء وھد ء انگولاء پر تگال سر جم ء کبزہ کنت ء پدا اود ء گلامانی
 بیاری ء ابید کشت ء کشاراں وتی دست ء کنت ء اود ء لس مہلوک ء پھ زور کار
 گرگ بندات کنت۔ بلے انگولاء ہما دگ کہ گیش پر تگال ایر دست بنت آ
 انگولاء زری دگ بنت، بلے کم کلا وتی زورت ء حساب ء پر تگال سر جمیں
 انگولاء کبزہ کنان ء 1920 ء سر جمیں انگولاء وتی ایر دست کنت۔

1927 ء پر تگالی سالازار ء آمریت ء آھک ء گوما انگولاء مال ء ڈیانی لٹ ء
 پل گیش کنگ بوت۔ پر تگال ء پھ وتی معیشیت ء مسکم کنگ ء ہاتر ء یک نیمگے
 انگولاء مہلوک ء سر ء وتی لٹ ء پل گیش کت ء دومی نیمگ ء وتی جنء مز نہیں
 مہلوک ء آورت ء انگولاء آباد کت۔ 1940 ء داں انگولاء پر تگالی مہلوک ء
 کچ 44 ہزار ء 1965 ء داں آئی ء کچ دو لک ء سر بوت۔ سالازار ء وھد ء
 پر تگالی انگولاء لس مہلوک ء مز نہیں زور اکینانی دیمپان کن آنت۔ ہمے
 رنگیں زوراک اپر یکہ ء دومی ایر دستیں دگ موز مینتی، گنی بساؤ ء ساؤتومے ء
 ہم کنگ بوگ ء ات آنت۔ پر تگالی سیاہیں انگولی ء اپر یکیاں مردم حساب
 کنگ ء نرات آنت۔ 1958 ء چل لک انگولی مہلوک ء تہ ء پر تگال تننا 56

ہزار مردمان ء رواداریں انسان سرپد بوت ء ایدگہ مہلوک پرانی ء پس ء
گوک ء پیما ء ات آنت۔ 1965 ء انگولاء وانگ ء ہاتر ء شہدر بر جاہ نیست
ات۔ گشَن ء سبب ء پیداک بود کیں زہگ مرگ ء آماچ بوان ات آنت۔
1968 ء سالازار ء ہکومت ہلاس بوت بلے نوک آؤ کیں سر وزیر ء ہم
انگولاء ہلاپ ء وتی زوراکي برجم داشت آنت ء 1974 ء داں انگولاء کساس
4 لک دری آباد کار اتمگ ات۔ پرنگال ء ہوار امریکہ ء ہم پرنگال ء ڈیھ ء
مہلوک ء سر ء وتی زلم ء زوراکي ء لٹ ء پیل بندات کت انت۔ چوشہ پرنگال
وت امریکي پوجی مدت ء ملک ء چہدار ات، پمیشکہ اد ء امریکہ ء پاندگ چست
کتہ پرنگال ء ایردستیں دمگاں وتی لٹ ء پیل بر جاہ داشت۔ اپریکہ ء ایدگہ
کالونیاں ہوار امریکہ ء چہ انگولاء ہم مز نیں کساس ء کدرتی مال ء مڈی کش
اتگ آنت ء وتی ملک ء برتگ آنت۔ امریکہ ء چہ 10، 12 کار جاہانی
(فلٹری آنی) نیمگ ء ماں انگولاء آر جل، گندھک، جیسیم ء اینجاڈرائٹ ء ہوار
مز نیں کساس ء گواجن (resources) لے کش اتگ ء برتگ آنت۔
امریکہ ء ہوار فرانس، برطانیہ ء جرمنی ء ہم مز نیں کساس ء چہ انگولاء مال ء
مڈی کش اتگ ء برتگ آنت۔

آجوائی جنگِ بندات:

انگولاءِ کیمبندو ٹک، چہ بنداتءِ پر تگالی زور گریءِ ہلاپءِ جتائیں
 وهداں جتائیں شکلاں جہد کنت، بلے پر تگالی زور اور یءِ سببءِ جہد بے
 سویانی دیمپان بیت۔ بلے بیستمی کرنءِ بنداتءِ انگولاءِ جتائیں ٹکانی تہءِ
 بہریں لس مہلوک پر تگالی زور گریءِ ہلاپءِ وتی جہدءِ تہءِ شدت کاریت
 کہ چرائیءِ آھانی راجی آجوائیءِ جنز گیش شاھگان بیت۔ گوں بیستمی کرنءِ
 بنداتءِ (بزائکہ 1907ء بگر داں 1910ء) زر بارءِ نیمگءِ ڈیمبوس
 ٹکءِ 1913ء بکا ٹکو ٹکءِ 1904ء داں 1906ء بانلونڈو ٹکانی نیمگءِ
 چہ پر تگالی پوجی زور اکیءِ ہلاپءِ گنگیری (مذاحت) کنگ بیت، بلے
 پر تگالءِ زور اک کہ وتی سر جمیں تاکتءِ آھانی گنگیریءِ ہلاپءِ کار مرز
 کنت کہ چہ ہمے سببءِ انگولاءِ آجوائیءِ جہدءِ اے وهداں اوں مزینیں
 کسا سےءِ سو بمند نہ بیت۔

دومی جہانی جنگءِ پد دنیا کلیلں جاھاں نو آبادیاتی نظامءِ ہلاپءِ
 زرمبشت (تحریک) چست بو ان بنتءِ جتائیں ہندءِ دمگاں راجی آجوائیءِ

جنز بندات بنت۔ ماں ایشیاء ویتنام ء انڈونیشیا چہ سلاہ بندیں جہد ء گنگیری ء
 برورد ء وتی آجونی ء گر آنت۔ ہندوستان ء برما ہم چہ برطانوی زور گری ء
 آجوبنت۔ چائنا ء ہم آشوب وتی سر ء چست کنت ء سو بمند بیت۔ ہمے آجونی
 جنگانی اسر فرانس، برطانیہ ء ایدگہ زور اوریں ماکانی ایردستیں دمگانی سر ء ہم
 کپ ایت۔ چہ اد ء زور گراں ہم گمان بوت کہ ایردستیں مہلوک نوں اے
 رنگ ء گیش گلام دارگ نہ بنت، ء ایش نوں الم وتی آجونی ء گر آنت گرا
 پمیشہ آھاں اے شور بندی ٹہینت کہ ماوت چہ اے ماکاں در کائیں بلئے
 اے ماکانی هاکی ء انچیں مہلوک ء مردمانی دست ء دین کہ آجونی پداوں
 اے ڈیھ مئے دز چیر ء بہ بنت۔ بلے پر تگال اے شور بندی ء ہم ہلاپ آت
 ء دگی مردمانی سر ء ہچ بیسہ دارگ ء نہ آت ء انگولاء ء دومی جاھاں وتی
 زور گری ء برجم دارگ ء سر جمیں جہد ء کنگ ء آت۔ بلکیں پر تگال اے
 گپ ء سر ء ہم منگ ء تیار نہ آت کہ انگولاء، موزمبیق، گنی بساؤ، ساؤتو مے،
 گوا، مکاؤ ء تیوران آئی ء کالونی آت بلکیں آئی ء دنیا ء ہمے پروپیگنڈا برجم
 دانتگ آت کہ اے زری دگ ء آدست ء آئی ء ملک ء ڈگار آنت ء ایشانی
 آجونی ء ہچ سوال پیدا ک بوت نہ کنت۔

1950ء وھدء پر تنگالی ھکومتء نیمگء لہنتیں اپریکی ماں پر تنگالء وانگء راہ دیگ بنت دانکہ آواتر بیا آنتء پر تنگالی ھکومتء دگی کارندگء بستارء کار بہ کن آنت، بلے وھدے کہ ھمے مردم پر تنگالء وانگء روائنت گڑاودء پر تنگالی نوآبادیاتی نظامء ھلاپء بر جا ھیں جھداں ھوار بنت۔ ھمے ورنانھانی تہء امیلکار کیبرال ھم ھوار بیت گوں کہ وانگء پد گنی بساؤء روت ء اودء راجی جنزء رھشونیء کنت ء اپریکہء مسزیں آشوبی زانینکار زانگ بیت۔ امیلکار کیبرال انگولاء کیت انت گڑاودء سلا ھبندیں جھد کارانی گوما نزیکی دارایت ء 15 دسمبر 1956ء انگولاء بجا ہی شہرء آجونیء یک چیریں گلے جوڑ کنگ بیت کہ آئی تہء پی اے یو اے (انگولاء آجونیء ھاترء جھد کنوکیں پارٹی کہ 1953ء جوڑ بیت) ھوار بیت انت گوں۔ 1959ء وھدے کانگولاء آجونی جھد تہء شدت آرگ بیت گڑا آئیء اسر انگولاء سرء ھم کپ آنت ء اودء ھم پنتاک ء ہینڈ بل بہر کنگ بندات بیت۔ چہ ایشیء پد پر تنگالی ھکومتء نیمگء یک مز نیں کچے ایم پی ایل اےء باسک چست کنگ ء بیگواہ کنگ بنت۔

اے وهداں داں آگستینو نیتو وتی وانگ ء هلاس کنت ء آلونده ء کیت
 انت، ڈاکٹر نیتو مردمانی جسمانی الانج ء هوار آهانی سیاسی الانج ء هم کنگ ء
 بیت بلے آ زوت پاشنگ بیت۔ همے ترس ء 1960 ء پر تگالی هکومت ء
 نیمگ ء آدز گیر کنگ بیت۔ لس مهلوک ڈاکٹر ء گرگ ء هلاپ ء زهر شانی ء
 روانک کش ایت ء اے زهر شانی ء سر ء پر تگالی پوج ارش کنت ء کساس 30
 مردماں گیش نمیران کنگ بیت ء 200 ء گیش ٹپی کنگ بنت۔ همے کشت ء
 کوش ء هلاپ ء لس مهلوک ء زور گری ء هلاپ ء نپرت گیش بیت ء آجوائی
 جنز گیش مردمانی سنج ء سماء گوں هوار بیت۔ کم کملپر تگالی زور اکیانی هلاپ ء
 زهر شانیانی نہ اوشتو کیں ڈرچ (سلسله) یے بندات بیت۔

سلاہندیں جنگ ۽ بندات:

پر تنگالی زور اکی ۽ کشت ۽ کوشانی هلاپ ۽ انگولاء مہلوک ۽ جلسہ ۽ جلوس ۽
 دز بندی ۽ چه دلجمیں آسر نیاہگ ۽ سبب ۽ لس مہلوک ۽ تہ ۽ سلاہندیں
 جنگ ۽ سنج و دی بوت۔ 1961 ۽ وهدے پر تنگالی هکومت کر پاس ۽ کشت ۽
 کشاری ۽ شور بندی ۽ سر ۽ زور اکی ۽ گوں عمل کنگ ۽ جہد کنت گڑا لس
 مہلوک گوں وتی بُن پیر کی سلاهاں پر نگیزی پوج ۽ هلاپ ۽ جنگ بندات
 کن انت ۽ پر تنگالی زور گر ۽ مز نہیں مالی تاوانے دینت۔ آہانی جہد ۽ تہ ۽ هرچی
 کہ گیش ترندی آیان بیت گڑا پر تنگالی زور اکی همنچو گیش وڈان بیت۔ 4
 فروری 1961 ۽ وهدے لس مہلوک ایم پی ایل اے ۽ رهشونانی آجو
 کنگ ۽ زندان ۽ سر ۽ ارش کن انت گڑا پر تنگالی لشکر چه وتی تیر گواری ۽ 40
 مردماں گیش کش انت ۽ هے ارش ۽ 7 پر تنگالی سپاہیگ هم نمیران بیت۔
 چه آئی ۽ پر تنگالی پوج اپر کی آبادیانی سر ۽ ارش کنت ۽ لس مہلوک ۽ هونر پچی ۽
 اپر یکسانی چکچینی ۽ چه لانک ۽ مان بندیت۔ هے رنگ ۽ لس مہلوک هم دو
 رند ۽ زندان ۽ سر ۽ ارش کن انت ۽ مردماں آجو کنگ ۽ جہد ۽ کن انت۔ یک

پادری یےء کنگ انت کہ اے کشتء کوشء پد من وت 300ء گیش
انگولی مردمانی جون چست کنگ انت بلے راستیں کچ چینکس انت اے
انگت داں پد رنہ انت۔ لس مہلوک وتی مردمانی آجو کنگء بے سوب بنت
بلے اے ویل دنیاء دیمء سرجمء پد ربوتء پرتگالی زوراکی دنیاء دیمء جو انیں
رنگےء پد ربوت۔ اے وهداں مز نیں ڈنی اھواکار انگولاء موجوداتء سال
زارء کشتء کوشء ہبراں وتی روتا کء ہالتا کاں جاہ دیان ات انت کہ
چریشیء چہ اقوام متحدہ لاچار بیت کہ انگولاء جیڑہء وتی آمید گھسء بیارایت۔

دومی نیمگء ایم پی ایل اےء مکنا دار بینے وکتوں گوں ایدگہ ورنہاں
سلاہ بندیں جنگء مسکم کنت، بازیں دمگاں پرتگالی لشکرء در کنگء سو بمند
بنت۔ چوشکہ بازیں دمگ شش ماہء داں پرتگالی لشکرء دستء آجو بنت۔
اے جہد ایوکء انگولاء ناں بلکیں پرتگالء دومی ایردستیں دمگاں ہم
چست بیت۔ انچوشکہ لشکر تنظیمی شکلء ہنکس مسکم نہ بنت پمیشہ پرتگالی
جنین، چکء زھگاں ہواریکے دومی ٹکانی سرء ہم ارش کن انتء آھاں ہم
تاوان دینت۔ پرتگالی لشکرء نیمگء چہ بالی گرابانی ٹوپ گواریء کسانیں
زھگ ہم بکنگ نہ بنتء کنگ بنت۔ لکانی حسابء مردم چہ وتی جاھاں لڈ

۽ بار ۽ لاچار بنت۔ آجونی ۽ پڙ ۽ جهد کنو کيس مردمانی هلاپ ۽ مھمکيس پروپيگنڊا کنگ بيت۔ لس مهلوک ۽ چه آجونی ۽ جهد ۽ دلپروش کنگ ۽ هاتر ۽ جتا کيس نفسیاتی جنگ بنديات کنگ بيت دانکه لس مهلوک باور به کنت که پرتگالی زور گريس پوج آهانی وپادار انت ۽ راجی آجونی ۽ پڙ ۽ جهد کنو کيس مردم که وتی هوناں ۽ بچک ۽ آنت آ لس مهلوک ۽ هلاپين مردم آنت۔ بلے اے درائيس زلم ۽ زور اکی ۽ هيله ۽ هنراں چه پد هم لس مهلوک ۽ آجونی ۽ جهد کنو کيس مردمانی همبر اهداری یل نه کت ۽ ایم پی ایل اے ۽ قیادت ۽ پرتگالی لشکر ۽ رازمنين تاوانے دات۔ همے رنگ ۽ ایوک ۽ انگولاناں بلکيس آئی ۽ نزیکيس ملک موزمبيق ۽ گنی بساؤ ۽ هم لس مهلوک ۽ سلا هبنديں جنگ ۽ مکک ۽ مدت ۽ چه پرتگالی لشکر مزمنين کساے ۽ شکست دات آنت۔ اے راجی جنز ۽ پرتگال ۽ چند ۽ ته ۽ یک جمهوري جنگے بنديات بوت ۽ یک اُلسی آشوبے چست بوت۔ 1974 ۽ یک فوجی آشوبے چست بوت ۽ چل سالی کيس پرتگالی آمریت ۽ چکپروش بوت۔

پرتگال ۽ رند ۽ نوکيس هکومت ۽ وتی هکومتی ۽ بنديات ۽ اپریکی کالونیانی آجونی ۽ جنز ۽ هلاپ ۽ بازيں پندلے سازات که چرائی ۽ گنی بساؤ، کیپ وردے،

موز مبیق ءِ ساؤتومے ءِ انگولاءِ آجوائی جنز ءِ مدت گیش بوت ءِ جاور گھس
جنگی ءِ دروشم ءِ سر بوت آنت۔

دیتر ءِ انگولاءِ راجی آجوائی جنز ءِ اودے تنظیم کاری ءِ تنظیم ءِ حکمت عملی ءِ
ایدگہ چست ءِ ایرانی سرءِ گپ ءِ تران کن ایس کہ چے پیم یک نزوریں
کالونی ءِ چہ پر تنگال ءِ ڈولیس زور گریں استانے ءِ آجوائی گپتنگ۔

ایم پی ایل اے ءِ سیاست ءِ آئی ءِ حکمت عملی:

چوشکہ ایم پی ایل اے جنگ پر تنگالی نوآبادیاتی زور گری ءِ ہلاپ ءِ
انگولاءِ آجوائی ءِ واستہ بوگ ءِ آت گڑا آھاں بندات ءِ وتی راج ءِ راجیگاہ کنگ ءِ
شور ءِ سلاہ ٹینت انت۔ آھاں وتی منشور ءِ تنجکیں لبرزاں گوں وتی جنگ
راجی بنشت ءِ گیشینت ءِ آئی ءِ تنہ ءِ جنس، امر، مذہبی لیکہ ءِ تمنی جیڑہ سرجمی ءِ
کیرکت انت ءِ راجی بنیاد ءِ لس مہلوک راجی جنز ءِ گوں ہوار کنگ ءِ واستہ کار
بندات کت۔ آئی ءِ ہوار تنظیمی حکمت عملی ءِ رد ءِ ہماور آشوبی تاکستانی ہلاپ ءِ

ہم جنگ بندات کت کہ آماں انگولاءِ پرتگالی جوڑشت (اسٹرکچر) ءِ مہم
کنگ ءِ ات آنت، بزائکہ دگی کارندگانی بابت ءِ مکمیں شور بندی اش جوڑ
کت۔

تنظیم ءِ آشوبی جہد ءِ ہوار چا گردی آشوب ءِ ہم تجکیں کشے گیشینت ءِ
چا گرد ءِ مٹ ءِ بدلی ءِ واستہ شور بندی جوڑکت۔ انچوشکہ گنی بسا ءِ پی اے آئی
جی سی، موز مہیق ءِ فریلیمو پارٹی ہم راجی آجوتی جنز ءِ ہوار چا گردی آجوتی ءِ
منو گرات انت ءِ راجی جنز ءِ ہکی پکر ءِ ہوار آھاں راجی جنز ءِ واستہ سوشلزم
پکر ءِ منو گرات انت؛ بلے اے گپ یات کنگ بہ بیت کہ ماں انگولاءِ
سوشلزم ءِ مانا ءِ متلب وتی ہند ءِ دگ ءِ راستی ءِ حساب ءِ گیشینگ بوتگ
آنت۔

ایم پی ایل اے ءِ صدر نیتو جا ہے گشیت کہ مئے جہد ءِ گمگیری دنیا ءِ دومی
راجی جنز اں چہ جتائیں جنزے نہ یے۔ اے جنز زور گریں تاکتانی سبب ءِ
انسان ءِ سر ءِ بر جاہیں زور اکی ءِ ہلاپ ءِ انسان ءِ آجوتی ءِ جنزے۔ ایم پی
ایل اے ءِ شور بندیاں دنیا ءِ ہم کنڈ ءِ زور گری ءِ ہلاپ ءِ بر جاہیں راجی

جنزانی پلہ مرزی ہوار آت ءِ دنیا ءِ ہمک کئد ءِ بر جاہیں جنزانی مک ءِ مدت
وتی وس ءِ واک ءِ گون آت۔

سلاہبندیں جنگ ءِ اسی آشوب:

ایم پی ایل اے ءِ انگولاءِ آجونیٰ ءِ پر تگیزی زور اکی ءِ ہلاپ ءِ سلاہبندیں
جہدے ءِ راہ پہ وت کچین کت۔ سر وزیر نیتو یک گشتا نکے ءِ سلاہبندیں
جنگ ءِ اے رنگ ءِ کیشین ایت کہ ”انگولاءِ سلاہبندیں جنگ ایوک ءِ یک
جنگے نہ یے، ایوک ءِ توپک ءِ کار مرز کنگ ءِ چہ مچ مردم یا جنز آشوبی بوت
کت نہ کنت بلکیں جسٹ ایش انت کہ اے توپک پر چہ کار مرز بوگ ءِ
انت، ایشاں کئے کار مرز کنگ ءِ انت، کار مرز کنوکانی سیاست چے انت،
اے جہد ءِ گگیری ءِ آسر چے انت؟ ءِ سوہبندی ءِ رند چو نیں چا گردے جوڑ
کنگی انت۔ آیا اے سلاہبندیں جنگ لس مہلوک نیگ انت؟ چو نیں ہم
سلاہبندیں جنگ ءِ راہتیں شرت پیلو کنگ لوٹ آنت۔ سلاہبندیں
جنگ ءِ رایک سیاسی پروگرام ءِ بہر بوگی انت کہ آئی ءِ مکسد زور گری ءِ زلم ءِ

زور اکی ۽ راھ رچ رنگ ۽ هلاس کنگ انت۔ اے جنگ ۽ سلاھبندی گل
گول سیاسی گلاں همگرنج به بیت ۽ همایانی شور بندیانی منوک به بنت پر چه که
راجی آجونی ۽ چا گردی آشوب ۽ جنگ چوناهانگی هساب ۽ سیاسی جهده۔

راجی آجونی جنز ۽ سلاھبندی جنگ ۽ رالس مهلوک ۽ سر جمیں همکوگی ۽
سکین گون به بیت۔ اے جنگ ۽ سو بندی ۽ واسته دژ من ۽ هلاپ ۽ مزینیں
کسائے ۽ هسنتیں فرنٹے جوڑ کنگ لوٹ ایت۔ اے جهده شور بندی وتی
جنده لس مهلوک ۽ تاکت ۽ سر ۽ بیسه کنگ ۽ گول به بیت۔

انچوشکه ایم پی ایل اے یک سیاسی گل ۽ پمیشکه اے پارٹی ۽ هر وڑیں جیره
۽ جنجال ۽ سیاست ۽ بالادستی دیم ۽ کنگ ۽ سلاھبندی گل گول وتی سیاسی
شور بندیان گول هواری کنگ۔ اے درگت ۽ کماندار اسپار ٹیکس مونیمابو ۽
گنگ انت که :

منه رهند همیش انت که پوجی ۽ سیاسی گل هواری به بنت، هر کس لوٹ ایت
که آیکیں وهده ۽ سرچارے هم به بیت ۽ سیاسی جهده کارے هم به بیت۔ ما

زان ایں کہ مئے بنکی جیڑہ سیاسی جیڑہ ہے بلے اے جیڑہ بیدء جنگ ء گنگیری ء
 ھچ وڑء تو جیل نہ بیت۔

ایم پی ایل اے ء تجربگ اے گپ ء گواہ انت کہ اے تنظیم ء اے گپ
 باور کنائینگ کہ توپک ء را سیاسی عمل ء پابند بوگی انت نئیکہ سیاست ء را
 توپک ء مازمان بوگی انت۔ ایم پی ایل اے ء لس مہلوک ء سیاست ء بابت ء
 یک کینیڈین زانینکارے نبشته کنت کہ ایم پی ایل اے ء را دکانانی یک مہکم ء
 تو انگریں مک ء سکینے گون بوتگ۔ ہرچ ہما دمگاں من شتگاں اودء من ء
 اے گپ ء سرء باور کنگ ء جوازرستگ کہ ایم پی ایل اے ء را جی ہکموپگی ء ہما
 بنشت ایر کنگ کہ یک را جی جنزے ء را سو بمند بوگ ء واستہ لس
 مہلوک ء ہکموپگی درکار بیت۔

اُلسی جنگ ء بابت ء لہنتیں مردمانی ہیال ہمیشہ انت کہ الم آدرج بہ
 بیت بلے اے گپ الی نہ انت۔ ویتنامی جنز ء نامی عین جنزل ووانگو بن جناب
 ایشی ء بابت ء نبشته کنت کہ را جی جنگ ء شور بندی مزن ء در را جیں جنگے ء
 واستہ بہ بنت بلے ایشی متلب اے نہ انت کہ تیوگیں آشوبی جنز، سر جمیں

راجی جنز المءِ مزن ءِ دراج بہ بنت۔ اگاں بندات ءِ چہ جاور آشوب ءِ ہک ءِ
آنت ءِ تاکت ءِ شاہیم آشوب ءِ ہک ءِ انت گڑا آشوبی جنز گشادی ءِ گوں
سو بمند بیت۔

انگولاءِ اُلسی جنگ ہمھے شور بندی ءِ بنیات ءِ بیت۔ بندات ءِ مزنین
مدتے ءِ داں جنگ ءِ واستہ سیاسی چن ءِ لارنج کنگ بیت، پداکسانیں ٹولیانی
رنگ ءِ چیریں ارش بندات کنگ بیت، چیزے سو بمندیں ارشاں پد
چیر جنگیں ٹولیانی ہمبر اہی ءِ سد ءِ پنجاہ ءِ گشتی ٹولی یے جوڑ کنگ بیت ءِ
وہدے کہ تاکت گیش بنت گڑا دم پہ دیگی جنگ بندات کنگ بیت۔ انگولاءِ
آشوبی جنز نہ ایوک ءِ دراجیں شور بندیاں گوں بندوک ات آنت بلکیں
اے جنگ 15 سال ءِ داں کیشل ءِ برجم دارگ بوت۔

وتی جنده مال ءِ مڈیاں گوں جنگ ءِ شور بندی ءِ متلب اے نہ انت کہ
راجی جنز ڈن ءِ رنگیں مالی کمکاں مہ زور آنت بلکیں دنیا ءِ ہک راجی جنز ءِ
دومی آشوبی گلاں در ملکیں کارگلاں چہ کمک ءِ مدت زرتگ۔ اے پالیسی یا
حکمت عملی ءِ متلب ہمیش انت کہ تو اے امیت ءِ جنگ ءِ مہ دار کہ تنا

وہدے منء دنیاۓ مکم ء مدتے نہ رسیت گڑا من جنگ نہ کناں بلکیں
 ہرچ مالی مکے کہ آست جہدء بندات بہ کن ء دنیاۓ نیمگ ء چہ وہدے کہ مکے
 رسیت گڑا بہ زورے پرچہ کہ تئی دژ من دنیاۓ زور گریں ملاں چہ مکم
 زورگ ء انت ء تئی ہلاپ ء کار مرزے کنگ ء انت گڑا تو پرچہ دنیاۓ زالم
 ہلاپ دار و کیں تاکتاں چہ مکم نہ زورے۔

بلے وہدے کہ ایم پی ایل اے ء گپ بنیت گڑا 1970ء داں انگولاءِ
 راجی پارٹی ء راڈن ء چہ ہچ پیہیں سلاہ ء ساز ء سامانے نہ رسیت بلکیں اے
 وہداں داں ہر چیزے کہ لشکری سو بندی گر انت گڑا ایش وتی اُلسی
 ہمکو پگی ء لہتیں اپریکی آشوبی گلانی نیمگ ء مکم ء چہ گر انت۔ بز انکہ راجی
 جنز ء واستہ اے گپ المی نہ انت کہ آجہد ء را سو بمند کنگ ء واستہ ڈنی مکم ء
 ودار یک بہ بیت ء دگہ ہچ مہ کنت۔

تنظیمی جوڑشت ۽ چاگردی کار:

کجام هم یک آشوبی پارٹی یے ۽ کار چہ آئی ۽ رهشونانی بنیات ۽ چہ زانگ نہ بیت بلکیں راستیں آشوبی پارٹی وتی جو انیں سیاسی پروگرام ۽ کاراں چہ زانگ ۽ پجارگ بنت۔ ایوک ۽ اے گپ الم نہ انت کہ توجوانیں نبشتانکے دیم ۽ کار ۽، یا تو پکے گون انت ۽ جنگ کنگ ۽ ۽ یا ایوک ۽ سلاهبندیں جنگ ۽ نام ۽ کار مرکز کنگ ۽ ۽ بلکیں المی ایش انت کہ تنی تنظیمی جوڑشت آشوبی انت یا کہ اناں۔ انگولاء آجونی جنز ایم پی ایل اے چوشکھ یک اُسی جنز ۽ آئی ۽ یک اُسی جنگ کنگ ہمیشکھ تنظیم هم جهوری رهبندی بنشت ۽ جوڑ کنگ بوتگ ۽ آئی ۽ جوڑشت انگولاء چاگردی لوٹ ۽ گزراں گوں سرجم ۽ برجم کرتگ۔

کماندار سینتاکا هوٹلا ایم پی ایل اے ۽ سیاسی ۽ لشکری جوڑشت ۱۹۷۰ء ۽ اے رنگ ۽ درشان کنت کہ ”مئے جنز بازیں پڑاں ۽ گروپانی توک ۽ همکم کنگ بوتگ دانکہ آگمتیں ۽ ارزانتیں رنگ ۽ وتی کاراں کت بہ کنت۔ درستاں چہ پیسر سیاسی ۽ لشکری جیڑھانی هالرسانی کمیٹی (سی سی پی ایم)

کنیت کہ آئیء تہء سرکماش نیٹوؤ دگہ بچ مردم ہوار بنت۔ اے رھشون
 لشکری جہتء ایم پی ایل اےء جھگیرانی نیمگء چہ راجی گانگریسء گچین
 کنگ بنت۔ ہالرسانی کمیٹیء ہمک باسک، آتوری سرکماش ہم بہ بیت
 ہالرسانی کمیٹیء ہچ باسکء چہ برزتر نہ انت۔ سرکماش کمیٹیء سرپانیء زمہ
 واریء پیلو کنت بلہ وھدے آ موجود نہ بیت کمیٹیء کجام ہم باسکے آئیء
 جاہء زمہ واریاں زرت کنت۔

آئیء رندا سٹیئرنگ کمیٹی کیت انت کہ آسالء ٹوکء یک یادور ندء دیوان
 کنت ء راجی جہتء سرجمیں پیسلہء ہما کنت۔ ہالرسانی کمیٹیء نیمگء چہ
 نامیننگلیں تیوگیں کماندار ء سیاسی رھشون (کیسار) سٹیئرنگ کمیٹیء باسک
 بنت۔ اے کمیٹیء سرجمء سینزده باسک انت بلہ ایٹیء تہء کمی گیشی آتک کنت
 کنت۔

اسٹیئرنگ کمیٹیء باسک بزاتکہ دگی کماندار ء رھشون مدام ملک ء چندء ند
 آنت ء وتی دمگانی کارکن آنت۔ آچہ ہالرسانی کمیٹیء سوچ ء سرزور آنت ء وتی
 نیمگء کماندار ء سپاہیگاں سرکن آنت۔ ہمک میتگ ء دگی کماندار، سیاسی
 رھشون، کارروائی ء سراغ سرکنوکانی سروک ء مالی سامانانی سرکنگی جیڑھانی

سروکی ء یک دگی کمانے بیت ء آوتی دگ ء جیڑہ ء درائیں پیسلہ ء کن آنت ء ایشانی
 تہ ء ہریکے ء کرے پہ کنگ ء وتی یک گچینی کار ء کر دے آست۔ دگ ء سینئر لیڈر
 دگی کماندارے بیت ء آئی ء جہل ء سیاسی کمپارے نمبر کیت۔ اے وتی جتا جتا میں
 کارانی ہواری ء تیوگیس باسک دگی جہت ء پوجی کارروائیانی تہ ء بہر زور آنت ء
 جہد کاراں چیر دستیں جنگی رپک ء ہنراں ہیل دینت۔ اے مردم دگی بنیات ء
 جیڑہانی تو جیل سازی ء ہم زمرہ وار آنت، پے دروردژ من ء جنگی بندریگانی گوما چے
 کنگ بہ بیت یا کنگ ء جنگ ء دومی کار کہ بنت۔

آئی ء چہ جہل ہندی کمان کیت انت کہ آئی تہ ء حلقہ ء کماندار، سیاسی گل کار،
 سراغ سرکنو کانی ء کارروائی کنوکیں سروک ہوار بنت، ہند ء ر ہسٹونانی گچین ء ہم
 ہالرسانی کمیٹی کنت۔ اے کمان وتی ہند ء دگال سنگتانی سیاسی زانت ء ہیلاری ء
 ہم زمرہ وار انت ء آئی ء ہوار دگ ء تہ ء سر مچاری ارشانی شو بندی ء زمرہ واری ہم
 ہمیشانی انت۔

چریشی ء ابید گل ء نیگ ء چہ کالم جوڑ کنگ بو تک آنت۔ 150 مردم ء ہریک
 کالم ء قیادت ء کالم کماندار کنت کہ آ حلقہ ء کمان ء چیر دستی ء کار کنت۔ ہمک
 ہند ء چوشیں پنچ کالم بنت، اے حلقہ ء کمان ء زمرہ واری انت کہ آ چیر دستیں

کاروائی بہ کنت، چیک پوسٹاں بہ جنت ء دژمن ء ہلاپ ء مز نہیں کار بہ کنت، اے کاروائی کنوکیں سروک ء زمہ واری انت کہ آسے گپ ء بہ گیشین لیت کہ کجام کار ء واستہ چینکس سپاہیگ ء زلورت انت، آھاں چونیں ء کجام ہسائیں سلاہ ء زلورت انت، دژمن ء کسانیں چیک پوسٹائی جنگ ء پد آ یاد بتر ء مستریں چیک پوسٹ ء سر ء ارش کنگ ء زلورت بیت انت یا کہ اناں، وھدے کہ دژمن ء سر ء ارش کنگ ء پیسلہ بیت گڑاھندی کماندار پشت ء نہ نندیت ء پرمان نہ دنت بلکیں آئی ء ہم وت ارش ء بیڑکاری (حملہ آوری) ء تہ ء بہر زورگی انت۔

ھمک کالم 3030 مردم ء پیچ ٹولی ء توک ء بہر کنگ ء ہر یک ٹولی یے ء وتی یک رھشونے، وھدے کہ مز نہیں ارش کنگ ء پیسلہ بیت گڑا درائیں کالم جنگ ء بہر زور انت بلے وھدے کسانیں ارشے کنگی بیت گڑا کالم ء دو یا سے بہر جنگ ء بہر زور انت بلے وھدے کہ ارش سک کسان انت گڑا یک ٹولی یے اے کار ء سرجم کت کنت۔ ٹولی ء رھشون ٹولی ء سروکی ء کنت، آھائی کسان ء مز نہیں جیڑہ ء جنجالاں توجیل (حل) کنت، وتی ہند ء توک ء مردمانی برتی کنگ ء عمل ء کنت ء آھاں دیتر ء کالم کماندار ء گور ء راہ دنت کہ آایشانی آوکیں جاہ ء بہ گیشین لیت، ٹولی ء رھشون دگ ء تہ ء دہکانکاری ء ہم کاراں چار لیت گوں کہ چونیں وردن

کشت ۽ کشار کنگ به بیت ۽ آهانی واسته چونیں اوزار کار مرز به بیت، آئی ۽ هوار آ
هند ۽ کلمیں ارشائاں بهر زور لیت۔

چوشمه ایش یک سیاسی پوجے گڑا گل ۽ جوڑشت انچو جوڑ کر تگ که درائیں جنگی
ارشانی تہ ۽ سیاسی ضابطہ ۽ پاسداری کنگ به بیت۔ چوشمه یک راجی جنزے
چا گردی آشوب ۽ هم زمه وار انت گڑا راجی جنز ۽ گوں بندو کیں تنظیم چا گردے
درائیں پڑاں آشوب آرگ ۽ جهده ۽ کنت ۽ لس مهلوک ۽ مکم کنت دانکه آوتی جیزه
۽ جنجالاں وت گیش ۽ گیوار به کن آنت ۽ یک نوکیں چا گردے جوڑ به کن آنت۔
اے گپ یات کنگ به بیت که ایم پی ایل اے اقتدار ۽ مٹ کنگ ۽ واسته جنگ
کنگ ۽ نہ ات پهمیشکه جنگ ۽ پد پر تگالی انتظامی جوڑشت ۽ رگ ۽ هچر نکلیں سوالے
پیداک نه بوت، چوشمه ایم پی ایل اے یک چا گردی آشوب ۽ آرگ ۽ واسته جهده
کنگ ۽ آت، آئی ۽ واسته اے هم اژدری آت که دژ من ۽ جوڑ کر نکلیں سرکاری
جوڑشت ۽ بدل ۽ وتی جنده ۽ نوکیں متبادل ریاستی جوڑشتے جوڑ به کنیں، پر چه که
ایوک ۽ اے واسته اژدری نہ انت که چریشی ۽ چه لس مهلوک ۽ جیزه تو جیل بنت
بلکیں اے واسته اژدری انت که تو دژ من ۽ جوڑ کر نکلیں جوڑشت ۽ هلا س به کن
۽ وتی متبادل ریاستی جوڑشتے لس مهلوک ۽ دیم ۽ ایر به کن ۽، دانکه لس
مهلوک هے محکمہ ۽ وتی به کنت ۽ وتی ریاست ۽ سر پد به بیت۔

ایم پی ایل اے ء انگولاء راجی جنز ء یک مکمیں رنگے دیگ ء ہاتر ء پوجی
 ڈیپارٹمنٹ ء ہوارسیسی تنظیمی جوڑشتے ہم لس مہلوک ء دیم ء آورت دانکہ لس
 مہلوک راجی آجوتی جنز ء سو بندی ء باندا ت ء بابت ء ہم سرجم ء سرپد ء زانکار بہ
 بیت۔

سیاسی گل ء جوڑشت:

• پروپیگنڈا ء شنکاری ء محکمہ: (ڈی آئی پی)

اے محکمہ ء پرنگالی ء انگولی زبان ء سیاسی جہد کارنی اھوالناگ، ہالتاک ء
 روتاک شنگ ء تالان کت، آنت، دومی نیمگ ء ریڈیو ہم جنزات کہ چریشی ء
 لس مہلوک ء راجنگ ء نوکیں ہال ء اھوال دات ء جنگی جاوراں چہ مالو مدار
 کت، آنت، انگریزی ء فرانسسیسی زبان ء ہم مواد شنگ کت دانکہ دنیا انگولاء
 جنگ ء بابت ء گیشا گیش سرپد بہ بیت۔ لس مہلوک ء راجوتی جنز بہر
 کنگ ء اے ڈیپارٹمنٹ ء مزنیں کردے بوتگ۔

● امورء خارجہء محکمہ: (ڈی آرای)

اے محکمہء زمہ واری دنیاۓ ایدگہ راجی جنز، ملک ء سفارتی مہلوکاں گوں
سیادی جوڑکنگ، ڈنی مردمانی گوں انگولاء جنزء بابت ء مالو مدارکنگ ء اے
محکمہء جوانیں کردے پیلوکنگ۔

● سیاسی کارسازیں محکمہ: (ڈی اوپی)

سلاہبندیں جنگ ء راجوانیں سیاسی کارسازیں ء واستہ اے محکمہء تچک ء
جوڑشنتے دیگ بیت ء جنگ ء رالس مہلوک ء توک ء جوانیں رنگے ء شریں
کردے پیلوکنت۔

● مڈی سرکنگ ء محکمہ:

جنگ ء تہ ء مڈی سرکنگ ء مزنیں کردے است ء ہاسکار راجی جنزراں
 ایشی ء مزنیں کردے۔ ہمے سبب ء ایم پی ایل اے یک محکمہ یے جوڑ کنت ء
 ہرج رنکیں جاوراں جہد کاراں مڈی سرکنگ ء زمہ واری ء پیلو کن آنت۔
 اے محکمہ جو انیں رنگے ء جنز ء توک ء وتی کرد ء پیلو کنت۔

● زر ء مال ء محکمہ:

اے محکمہ ء زمہ واری ہمے بیت کہ تنظیمی ہرج ء درج ء حساب ء بہ
 داریت، آہانی بچٹ ء جوڑ بہ کنت ء دومی زر ء مال ء جیڑھاں گیش ء گیوار بہ
 کنت۔

● زانشت ء ر بیدگ ء محکمہ:

اے محکمہء زمرہ واری ہمے بیت کہ آزا تیں دمگاں وانگاہ جوڑ بہ کنت ءوقی
 راجی دود ءر بیدگاں بہ وانین لیت، اے محکمہء کسانیں مدتےء انگولاءِ ہند
 ہند ءہمینکس وانگاہ جوڑ کتہ کہ پرتگیزیء 400 سال ء ایر دستیء جوڑ کت
 نہ کت ء وانگاہاں ء زھگاں چہ راجی جنز ء ہم آشنا کنا نینت ءود ءر بیدگی
 زانت وقی راجی نودر براناں ہم ھیل دات۔ ایم پی ایل اے اے محکمہء
 راجی جنز ءر ابکی لیول ء مکم کنگ ء مز نیں کردے پیلو کت۔

ایشان ھو ارا ایم پی ایل اے ء نیمگ ء چہ جانسلا متی ء بہرگ (محکمہ) ہم جوڑ
 کنگ بوت کہ اود ء چہ ڈاکٹر ء نرس وانینگ بوت آنت ء سوج دیگ بوت
 آنت۔ پدا آھاں ٹپی نیں سپاھیک ء لس مہلوک ء مپت ء الاج کتہ کہ
 چریشی ء لس مہلوک گیش جہد ء نیمگ ء متاثر بوت آنت۔ ہمے رنگ ء
 اُلسی (عوامی) تنظیمانی بہرگے جوڑ کنگ بوتگ۔ چریشی ء چہ ایم پی ایل
 اے ء چار اُلسی تنظیم ء کارانی چار ء بچار کنگ بوت۔ لس مہلوک ء کارانی
 واستہ چار تنظیم جوڑ کنگ بوت، چوشنکہ:

• انگولاءِ پوریا گرانی کمیٹی:

اے ادارہء کار ہمیش آت کہ دہکاناں مہکم ء تو انگر بہ کنت ء آہانی
 پیداوری عمل ء توک ء آہانی مک ء بہ کنت، اے درگت ء پرتگیزاں لس
 مہلوک ء کشت ء کشارء مز نہیں تاوان دات، بلے اے محکمہ ء جہد ء چہ تاوان آ
 رنگ ء مہکم نہ بوت۔

● انگولاءِ زالبولانی گل: (اواہم اے)

زالبول ہمک راجے ء نیم آبادی انت، بلے زور گردام ایردستیں راجانی
 زالبولان درسیاسی ء بے عملی ء بہر جوڑ کنت، انگولاءِ ہم اے جیڑہ است
 آت، ہمیشکہ ایم پی ایل اے ء اے ردء محکمہ جوڑ کت ء لس زالبولان راجی
 جنز ء بہر کنگ ء واستہ کار کت۔ چوشکہ ہج آشوب بید ء زالبولانی ہواری ء
 سرجم نہ انت، جنز ہا و ہد ء سرجم ء برجم ہنت و ہدے کہ زالبولانی ہمکو پگی
 ء آہانی بہر شتے گوں جنز ء ہوار بہ بیت۔ سرکماش نیتو ء گشتنگ آت کہ ”
 زالبولان لوٹ ایت کہ آتو پک چست بہ کن آنت، یک زالبولے ہمے پیم
 جنگ ء بہر زرت کنت انچوشکہ یک مردینے۔“

ایم پی ایل اے اے رده زالبولاں سرپیدی دیگ، برابری دیگ ء جنزء بہر
کنگ ء مز نہیں کر دے پیلوکت ء مز نہیں زالبولے سلاہ بندیں جنگ ء بہر جوڑ
بوت ء دومی زالبولاں ہالرسانی، ڈی سرکنگ ء دومی کاراں بہر زرت۔
زالبولاں ہک دیگ ء ہاتر ء ایم پی ایل اے ء مز نہیں گالنج زرت کہ آہانی
تہ ء ایم پی ایل اے ء جہد کاراں یک سورے ء چہ گیش ء اجازت دیگ نہ
بوت کہ چریشی ء چہ زالبول باز متاثر بوت آنت ء راجی جنزء بہر جوڑ بوت
آنت ء وتی ساہ ء جان ء دیونی دیگ ء چک ء پد نہ بوت آنت۔

ایشاں ہوار ورنہانی گل جے ایم پی ایل اے جوڑ کنگ بیت کہ آورناہاں
راجی جنزء ہوار کنگ ء واستہ کار کنت۔ ہمے رنگ ء زہگانی یک ادارہ ہے جوڑ
کنگ بیت کہ آزہگانی آشوبی ہیلکاری ء زانشت ء سرء کار کنت۔ ہمیشاں
ہوار بازیں آزاتیں ہند ء دمگاں وانگاہ ء بجاہ جوڑ کنگ بوت آنت کہ آہاں
ممبر شپ ء وانگ ء آشوبی ہیلکاری ء سرء مہکمیں رنگے ء کار کتہ دانکہ
باسک اے گپ ء جوانی ء بہ مار آنت کہ سلاہ بندیں جنگ ایوک ء کشت ء
کوش ء نام نہ انت ء نیکہ اے نسلی جنگے بلکیں ایش راجی گلامی ء ہلاپ ء

چست بوتگئیں گگئیری یے۔ اے محکمہ ء راجی جنز ء سو بوند کنگ ء مز نین
کردے پیلوکت۔

آرگنا زیشنل بنیات ء هوار راجی رد ء هم ایم پی ایل اے ء لس مہلوک ء را
تاکتور کنگ ء واستہ کارکت۔ اے رد ء وتی آزات کنگئیں دمگاں جتا جتا نین
کمیٹی جوڑکت ء هک دمگ ء لس مہلوک ء ووٹ ء چہ کمیٹی ء آھانی سروک
گچین کتہ آنت دانکہ لس مہلوک راستین آجوتی ء راستین رنگے ء بہ مار
ایت۔ ایٹی ء هوار دژ من ء هلاپ ء لس مہلوک ء ملیشیا هم جوڑکنگ بوت،
پرچہ کہ راجی جنز ء واستہ ایوک ء تنظیم ء ادارہ تمنا جنگ کت نہ کت بلکین
سرجمیں لس مہلوک هم دژ من ء هلاپ ء بہر زور ایت۔ چین ء ویتنام ء
رنگ ء انگولاء آجوتی ء وھد ء هم لس مہلوک ء مکمیں ملیشیا جوڑکت دانکہ آ
چہ دژ من ء وتی میتگ ء لس مہلوک ء حفاظت ء کت بہ کن آنت۔ لس
مہلوک ء را اے هک هم دات کہ آ ایم پی ایل اے ء کجام هم اگد ہد اے ء
محکمہ ء سر ء نگد کت کن آنت۔ لس مہلوک ء شکایت ء سر ء بازیں کماندار ء
سیاسی جہد کارانی هلاپ ء کاروائی هم کنگ بوت دانکہ لس مہلوک ء تنظیم ء
میان ء اعتماد بحال بہ بیت۔

انگولاءِ وتی جنگ:

انگولاءِ راجی جنزءِ ہکی میں پارٹی ایم پی ایل اے آت کہ آسرجمءِ راجی
 بنیات ءِ زربشت ءِ جنزینگ ءِ سو بوند کنگ ءِ وتی شپ ءِ روچانی دیگ ءِ چک ءِ
 پد نہ بوت آنت بلے راج ءِ توک ءِ تمنی اڈاند ءِ سبب ءِ زورگری ءِ ملکی
 سرداراں موہ رست کہ آچست بوتگیں جنگ ءِ چہ پاندگ چست بہ کن
 آنت ءِ لس مہلوک ءِ وتی ہمراہ بہ کن آنت۔ اے درگت ءِ بکاگوءِ لتیں ٹکی
 ءِ تمنی مردمانی ہم دست مان آت کہ آباگلو سلطنت جوڑکنگ ءِ واہگ دار
 ات انت ءِ پرتگیں چہ وتی بستار ءِ منارینگ لوٹگ ءِ ات انت ءِ ٹکی سیاست
 کنگ ءِ ٹکی جتانی لوٹگ ءِ ات آنت، اے درگت ءِ آھاں اپریکہ ءِ امریکہ ءِ چہ
 مدت ءِ مکم لوٹ ات ءِ زائر ءِ توک ءِ وتی اڈہ ہم جوڑکت انت بلے وھدے
 کہ آھاں مارات کہ تمنی بنیات ءِ آھانی جنگ ءِ رادنیاءِ نیمگ ءِ چہ مکم
 رسگ ءِ نہ انت ءِ آھانی تمنی بہر ءِ باگی ءِ گپ ءِ ہک ءِ کس آھانی
 ہمراہداری ءِ کنگ ءِ نہ انت گڑا آھاں دنیا ءِ رارد دیگ ءِ راجی جنزءِ را
 اڈاندانی آماج کنگ ءِ ہاتر ءِ وتی پروگرام مٹکت انت ءِ پداسر جمیں انگولاءِ

آجوائی ءهڪء پادا تک انت۔ آھاں وقى تنظيمء نام چه وقى تمنى بستارء كش
 ات ء پوپى اے بز انكہ انگولاء مردمانى تنظيمء نام ءء ديمء آورت۔ اے تنظيمء
 رهشون رابر ڈو اولڈن ات، كه آيك موقع پرست، زالم ءوت پرستين
 مردے ات كه آئىء تمنى پلڈگ چست كتهء راجى جنزء اژانددى كته۔
 امريكهء وڙين سامراجى ملك كه آراست ء گوچنين جهدكارانى
 همبر اهدارىء نه كن انت انچين رد آشوبى رهشون ء پارٿياني مدت ء ممك كن
 انت دانكہ آوتى نپ ء سيتانى واسته كار مرز به كن انت۔ امريكهء انگولاء
 توك ء ايم پى ايل اے وڙين راجى پارٿىء بدل ء رابر ڈو ممك ء مدت كتهء
 لس مهلوڪ ء تهء راجى جنزء بابت ء بدگمانى پيدا كنگ ء وقى نپ ء سيتانى
 گرگ ء مزنيں رنگهء سو بمند هم بوت۔ زائرء آجوائى ء رند امرىكى كمكاريں
 سروزيرء آهگ ء رند رابر ڈو زائرء توك ء گيش همك بوت۔ ڈاكٽر نيٽوء
 دزگيرى ء ايم پى ايل اےء كريك ڈاؤن ء وهدهء گراؤنڌء ايم پى ايل اے
 كسانين مدتء واسته نزور بوت، گرڙا ايشىء پلڈگ آھاں چست كتهء
 انگولاء تهء جنگ بنات كتهء كه اولء مزنيں كساسةء چه آجوائى دوستين
 ملاڪاں آھاں ممك رس ات بله زوت ايدگه ملاڪاں همگه ڪپ ء مارشت بوت

کہ رابرٹو راجدو ستیں مردے نہ انت ء آھانی پارٹی راجی جنز ء سو بمندی ء
 گیش وتی سیتانی واستہ جنگ کنگ ء انت گڑا دی متر ء آھاں وتی مدت ء مکم
 ایم پی ایل اے ء نیمگ ء کتہ بلے آوھد ء داں اے گروپ ء وت ء مہم
 کنگ ء ات کہ چریشی ء چہ راجی جنز ء یک وار لارڈے ء بستار ء وت ء را مہم
 کتہ یو پی اے ء مز نیں کسا سے ء نسلی ء ٹکی بنیات ء مردم کشت انت کہ
 چریشی ء چہ لس مہلوک ء دل ء مز نیں کسا سے ء جنز ء بابت ء مٹ ء بدلی یے
 پیدا ک بوت ء دو می نیمگ ء ایٹاں ایم پی ایل اے ء باسک ہم جت ء کشت
 انت، نامبوا ء گانگو ء بازیں ہند ایم پی ایل اے ء آزات کت انت بلے ایٹانی
 بے سریں جنگ ء سبب ء پر نکال ء آھند ء د مگ پدا ایر دست کتہ انت۔ بلے
 چوشکہ ایم پی ایل اے یک راجی جنز ء ات گڑا آھاں او پار کتہ ء یکجا ہی ء
 ہمسنتی ء سر ء زور دات۔ 1961 ء آھاں یکجا ہییں کار ء واستہ کار کنگ ء
 پیسلہ کتہ بلے رابرٹو ء پوج ء اکتوبر 1961 ء ایم پی ایل اے 21
 سپاہیگ ء سر ء ارش کتہ آجت انت۔ چریشی ء چہ آھانی میان ء بکر مندے
 پداجیڑہ ء جنجال چست بوت انت۔ مارچ 1962 ء یک دگی گل یے ء گوں
 یکجاہ بوگ ء پد رابرٹو ء وتی گل ء نام ایف این ایل اے ایر کتہ۔ بلے اے

فوس ء گیشیں تاکت ایوک ء گوریچانی انگولاء بوتگ ء ایم پی ایل اے ء
 باسکانی ہلاپ ء کار کنگ ء آہانی واسنہ جنجال پیدا ک کنگ ات۔ دسمبر
 1972 ء وھد ء اپریکی ہمسنتانی گل ء پکرنڈے پداایشانی میان ء منگ ناگے
 دیم ء اتک ء ایم پی ایل اے ء مہکمیں بستار منگ بوت ء آہانی ہمسنتی ء سہل ء
 تران سو بمند بوت کہ ایشی ء تہ ء اپریکی ہمسنتیں مالکانی رھشون ہوار انتت۔
 ایش یک منگ ناگے دزرنڈ جن انت ء پرنگالی زور گری ء ہلاپ ء ہواری ء
 جنگ کنگ ء پیسلہ ء کن انت ء یک سپریم کونسلے جوڑکن انت کہ آئی ء تہ ء
 دوئیں ادارہانی مردم ہوار بنت۔ بلے اے منگ ناگ ء توک ء ایف این ایل
 اے ء راز لورت ء چہ گیش ارزشت دیگ بیت کہ انکس آئی ء کر ء تاکت ء
 قوت نیست بلے ہمسنتی ء رنگ ء گیشیں تاکت دیگ بوت۔ رابر ٹو ء اسل
 مسد پرنگالی زور گری ء ہلاپ ء جنگ نہ ات بلے انگولی لس مہلوک ء ایم پی
 ایل اے ء اسی جنز ء جھد ء سو بمندی ء گنگ ء پد سلاہندیں جنگ زرت،
 دانکہ انگولاء آجوتی ء شکل ء ملک ء سروکی منی دست ء بیئت انت۔ رابر ٹو ء را
 سامراجی تاکتانی زورت ات ء آھاں رابر ٹو وٹیں وار لارڈے دانکہ آہانی

نپ ءِ پیلو بہ کنت۔ امریکہ ءِ آہاناں کمک کنگ ءِ تاکتور جوڑ کنگ ءِ مزین
کردے پیلو کت۔

دومی نیمگ ءِ ساومبی نامیں دگہ مردے کہ پیسر ءِ رابر ٹو ءِ ونگڑیں
Exile Government ءِ ڈنی وزیر ات، آئی ءِ ہم جاورانی گندگ
ءِ انگولاءِ آجوائی ءِ راستی ءِ گندگ ءِ پد وتی جنائیں تنظیم ءِ ”انگولاءِ آجوائی ءِ
سلاہندیں پوج“ جوڑ کت ءِ زیمبیا کہ نوک آجو بوتگ ات آئی ءِ سیمسرانی
نیمگ ءِ وتی اڈہ جوڑ کت ءِ کار بندات کت انت۔ آہاں یک نیمگ ءِ چین ءِ
دومی نیمگ ءِ یورپ ءِ نندوکیں لہتیں شریں آشوبی جہد کاران ءِ باور
کنائنت کہ انگولاءِ راستیں آشوبی تاکت ءِ تنظیم ہمیش انت کہ انگولاءِ
سرجمیں ءِ دیروئی دوستیں آجوائی ءِ لوٹگ ءِ انت ءِ چین ءِ باریں ڈنی تاکتانی
دیم ءِ ایم پی ایل اے ءِ ہلاپ ءِ دروگ بندگ ءِ انت ءِ آہاں ایثنانی بابت ءِ
ردیں انفارمیشن دینت۔ چریشی ءِ چہ آہاں ہم کسانیں وھدے ءِ داں کمک ءِ
مدت رس ات، دانکہ آپرنگالی زور گر ءِ ہلاپ ءِ جنگ ءِ مکم بہ کن انت۔
بلے راستیں ہبرایش انت کہ یونیتا دژمن پرنگال ءِ ہلاپ ءِ ہج رنگیں
مزینں جتئی ءِ سلاہندیں جنگ نہ کنت بلکیں ایم پی ایل اے ءِ زور کنگ ءِ

واسته وٽي سرجمين تاڪت ۽ جنت ۽ ڪيڪ جرمن افسر ۽ ڪشنگ انت ڪه
 پرنگالي افسرا گشتنگ ڪه مائوتينا ۽ هچ ڪارنه داراين پرچه ڪه آگون ايم پي ايل
 اے ۽ ڇار انت ڪه مئے مستريں دژ من انت۔ بزانه يوتينا چورا برٿو ۽ پيم ۽
 پرنگال ۽ هلاپ ۽ مڪميس جنگ ۽ بدل ۽ وٽي سرجمين زورايم پي ايل اے ۽
 نزورنگ ۽ لانڪ بستنگ دانڪه اگاڻ ڏني دزما نجي ۽ چو وهدے انگولا آزات
 بيت گڙا اقتدار ۽ تاڪت لس مهلوڪ ۽ تنظيم بزانه ايم پي ايل اے ۽ بدل ۽
 يوتينا ۽ دست ۽ بنيت انت ۽ آجنز ۽ سو بمندي ۽ پانڊگ ۽ چست به ڪن انت۔
 بلے زوتا چين ۽ ايدگه آشوب دوستين ملاڪا اے گپ ۽ مارشت بوت ڪه
 اے راج دوستين تنظيم ۽ نه انت گڙا وٽي مک اش بند ڪت انت۔ دومي
 نيمگ ۽ 1972 ۽ وهدے ڪه لس مهلوڪ ۽ پوليس ۽ ڪيمپاني سر ۽ ارش ڪت
 ۽ مزنيں رازے پدر بوت گڙا اود ۽ ساو مبي ۽ نمدي هم دست ڪپت انت ڪه
 آهاں پرنگالي حڪام ۽ واسته نبشته ڪنگ انت ڪه آهاني ته ۽ ايم پي ايل
 اے ۽ ڪيمپاني راه ۽ رهنبد ۽ هم پرنگالي دژ من ۽ راسرنگ ۽ انت۔ بلے
 وهدے ڪه پرنگالي حڪومت چه انگولاء در آهگ ۽ بيت گڙا ايشي ۽ به آباد ڪار ۽

حمایت پدر بیت ء و ت ماں وتی جنگ ء و هدء یک گلگدارے (انٹروپو)ء
کُشیت کہ من اداء کیونرم ء هلاپ ء جنگ کنگ ء آں۔

را برٹوء ساومسی ء هوار دگہ لتتیس آشوب هلاپدار هم تاکت ء بنت کہ آ
راستیں آشوب دوست نہ بنت، بلکیں آشوب ء نام ء دژ من ء کار ء کن آنت۔
ایشانی تہ ء ایم پی ایل اے تہ ء پر تگالی ایجنسی ء راہ داد تگیں لیجنٹ هم هوار بنت
کہ وهدے آھانی راز دیم ء کابنت گڑا آ ایم پی ایل اے یل ء کن آنت ء
را برٹوء همبر اہداری ء کن آنت۔

آنیمگ ء جنوبی اہر یکہ هم انگولاء و ت ماں وتی جنگ ء وتی کرد ء پیلو کنت،
پرچہ کہ جنوبی اہر یکہ ء هم واھگ بیت کہ آ انگولاء وتی چیر دستیں هکومت ء
دیم ء بیاریت دانکہ ادء آئی ء سان ء آسر جوانیں رنگے ء بہ کپ آنت۔ آ اے
گپ ء هک ء نہ آت کہ اود ء ایم پی ایل اے ء تیمیں راجد وستیں پارٹی ء
هکومت جوڑ بہ بیت ء و تو اک بہ بیت۔

1974 ء وهدے پر تگال ء آشوب آتک ء نوکیں هکومتے جوڑ بوت،
بندت ء آئی ء پر تگالی نوآبادیاتی آجوائی ء منگ ء سر ء پشت کنزگ ء جہد کت

بلے گنی بساؤ ۽ موزبیق ۽ آشوبی جھدونی گڈی سیمسران آنت ۽ لس مہلوک ۽ تیوگیس حمایت آجوائی دوستیں پارٹی ۽ گون بندوک آت، پرنگالی هڪومت ۽ را اے گپ ۽ سرءِ مررت ۽ مارشت آست آت کہ اگاں نوآبادیاتیانی آجوائی منگ مه بیت گڑا جنگ گیش وڈایت، پمیشکھ نوکیں هڪومت ۽ آجوائی دوستیں پارٹی ۽ گون آجوائی ۽ پوانٹ ۽ سرءِ گپ کنگ ۽ تیار بوت آنت۔ کمیں وهدءِ پد 10 د سمبر ۽ پرنگال ۽ گنی بساؤ ۽ آجوائی من آت ۽ آئی ۽ آجوائی ۽ جار پرینگ بوت ۽ جون 1975 ۽ موزبیق آجوائی دیگ بوت بلے انگولاءِ جاور جتات انت، ادءِ ایم پی ایل اے ۽ هوار دگہ لہنتیں ٹولی آست ات انت ۽ امریکہ وڑیں تاکت ایم پی ایل اے ۽ هڪومت جوڑ کنگ ۽ هک ۽ نہ ات انت، رابرٹو ۽ ساو مبی یک نیمگے انگولاءِ لہنتیں دگہ ایر دست کنگ آت ۽ دومی نیمگ ۽ امریکہ ۽ پرنگال ۽ گوما آجوائی ۽ سرءِ سازش کنگ ۽ ات انت کہ آھاں یک نیمگے پرنگالی اسپیتیں نماسندگ، دومی نیمگ ۽ جنوبی اپریکہ ۽ سیمی نیمگ ۽ امریکہ هواری ۽ رابرٹو ۽ ساو مبی ۽ کارمرز کنگ ۽ ات انت پمیشکھ انگولاءِ را دومی ملاکنی بدل ۽ آجوائی ۽ رسگ ۽ مزنیں مدتے درکار بوت۔ اے درگت ۽ اپریکہ همسننتیں گلاں هم جھدکتہ کہ سین موومنٹ هوار بہ بنت ۽ گون

پر تگالی ہلکومت ءِ آجونیءِ پوائنٹ ءِ سرءِ گپ بہ کن انت ءِ اے ردءِ ایم پی ایل
 اے ءِ جہد ہم کتہءِ راجی جنز ءِ واستہ آھاں گوں ہوار ”عبوری ہلکومتے جوڑ
 کنگ ءِ رازیک بوت انت ءِ 31 جنوری 1975 ءِ انگولاءِ عبوری ہلکومت
 جوڑ کنگ بوت۔ بلے ایم پی ایل اے ءِ مقابلہ ءِ ایف این ایل اے ءِ یونیتاچہ
 بندت ءِ ایم پی ایل اے ءِ ہلاپ ءِ مکاری بندت کتہ۔ مارچ ءِ پدایکرنڈے
 رابرٹو ءِ ایم پی ایل اے پنجاہ ءِ گیش جہد کارچست کتہ ءِ کشتہ ءِ زھر شانی
 کنوکیں مردمانی سرءِ تیر گواری کتہ۔ ایم پی ایل اے ءِ اے ردیں ارش ءِ
 ہلاپ ءِ جوانیں جواب دات، ہمے رنگ ءِ رابرٹو ءِ پوج وتی زور انسری برجم
 دایشنگ آت، آئی ءِ پشت ءِ امریکہ ءِ دومی سامراجی تاکت ہوار ات انت۔
 31 اپریل ءِ پوریا گرانی کارگھس ءِ سرءِ ارش کتہ ءِ 31 پوریا گرجت ءِ
 کشت۔ ہمے رنگ ءِ سیمسر ءِ چہ ڈن ہم زائر ءِ ٹوک ءِ ہم رابرٹو ءِ پوج ارش
 کنگ ءِ لہنتیں جاہ وتی ایر دست کتہ۔ ہر روچینگیں کشت ءِ کوش ءِ رندا ایم پی
 ایل اے ءِ رابرٹو ءِ پوج ایف این ایل اے ءِ نیمگ ءِ چہ دونیمگی جنگ بندت
 بوت ءِ ایم پی ایل اے ءِ مزینں جنگ ءِ پد آھانی مزینں کسسا ءِ پوج لہنتیں
 دمگاں چہ ڈن گلینت انت۔ ہمے رنگ ءِ ساؤمسی ہم چیروکائی ایف ایل این

اے ءِ مدت ءِ کنگ ءِ آت؛ دومی نیمگ ءِ دنیا ءِ را اے گشگ ءِ آت کہ ایش
 دوئیں گل وت ماوت ءِ جنگ کنگ ءِ انت، ءِ انگولاءِ آجوتیٰ ءِ راستیں تاکت
 بس من آں۔ بلے لہتیں وهدءِ پد آھاں هوارى ءِ باقائدہ ایم پی ایل اے ءِ
 هلاپ ءِ جنگ کنگ ءِ جارجت۔ 12 اگست ءِ پرتگال ءِ کیرندے پدا انگولادوتی
 دست ءِ کنگ ءِ جارجت بلے اے وهداں وت ماں وتی جنگ بندات آت ءِ
 دوئیں نیمگ ءِ یکے دومی ءِ کشت ءِ کوش برجم آت۔ بلے ایم پی ایل اے ءِ
 ستمبر ءِ داں 16 صوبہ ءِ توک ءِ 12 وتی کبزہ ءِ توک ءِ آورتگ ات۔ 11
 نومبر ءِ پرتگالی پوج ءِ انگولایله کتہ سرجمی ءِ ایم پی ایل اے ءِ دست ءِ دیگ ءِ
 بدل ءِ اے گشت کہ ما انگولاءِ اءِ لس مہلوک ءِ دست ءِ دیگ ءِ روگ ءِ انت۔
 دومی نیمگ ءِ ایم پی ایل اے سرکماش اگستینیو نیتو ءِ سروکی ءِ اُلسی جمہوریہ
 انگولاءِ جارجت ءِ ملک ءِ توک ءِ هکومت جوڑکت۔ موزمبیق، گنی بساؤ، کیپ
 وردی ءِ ساؤمئے ءِ انگولاءِ آجوتیٰ ءِ جارکیں دمان ءِ من ات کہ آنوں وت چہ
 پرتگالی کبزہ ءِ آجوبوتگ ات انت ءِ اے گپ ءِ مارشت آست آت کہ انگولاءِ
 آجوتیٰ ءِ راستیں تاکت کئے انت۔ زوت اپریکے ءِ درائیں دیروئی دوستیں
 ملاں ہم ایم پی ایل اے ءِ سروکی ءِ انگولاءِ آجوتیٰ من ات ءِ دومی نیمگ ءِ

وینتام ءِ تیمور وڑیں راجاں ہم ایم پی ایل اے من ات۔ آجوتیءِ وهداں
 جاو ایش ات انت کہ دومی نیگ ءِ ایف این ایل اے ءِ یونیتا ءِ ہم لتیں
 دگ وتی کبزہ ءِ کنگ ات انت ءِ جتا ہکو متے جوڑ کنگ ءِ جار جنگ ات۔
 آھاں امریکہ، جنوبی افریکہ ءِ ایدگہ لتیں سامراجی ملکائی مک گون ات کہ
 ایم پی ایل اے وڑیں راجد وستیں پارٹی ءِ ہلاپ ات انت۔ ایم پی ایل اے ءِ
 ایشانی مکابلہ کنگ ءِ واستہ دیروئی دوستیں مکاں چہ مک گت ءِ ایشانی
 ہلاپ ءِ جنگ داشت، ایم پی ایل اے ءِ مک کنوکافی توک ءِ کیو باءِ روس
 وڑیں مکمیں تاکت ہوار ات انت۔

فروری 1976ء سیمی ہتنگ ءِ داں ایف ایل این اے ءِ یونیتا چہ انگولاءِ
 سپانگ بوتگ ات ءِ ہر چیز کہ کرایہ سپاہیگ رابرٹو ءِ ساومی ءِ واستہ جنگ
 کنگ ءِ ات انت آھاں وتی دست چست کت انت ءِ کیش کشگ بوتگ۔ آ
 شکست ءِ گندگ ءِ پد زائر ءِ ایدگہ مکاں ہم ایم پی ایل اے ءِ جوڑ سکنگیں
 حکومت ہک ءِ راستیں حکومت سرپد بوت انت ءِ انگولاءِ آجوتی من ات۔



Independence Struggle of

ANGOLA

دلگوش: اے کتابک چہ ڈاکٹر فیروز احمدء کتاب ”انگولا کی آزادی“ء کیشینگ ء نبنشہ کنگ بوتگ۔ اے کتابک بی ایس او آزادء باسک ء بلوچ ورنابانی سیاسی ہیلکاریء واستہ تیار کنگ بوتگ۔ سگار پہلی کیشنزء جہد ہمیش انت کہ آوتی آجوتیء جنزء جاورالاں ہوار ایدگہ دنیاء راجی آجوتی جنزانی تجربگ ء راستیاں بلوچ ورناء بی ایس او آزادء باسکاناں پوہ ء سرپد بہ کنت، دانکہ آ بلوچ راجی آجوتیء جنزء راستیں ڈروشم دیگء ہاترء جہد بہ کن انت ء بلوچ آجوتیء جنزء مکمیں رنگء گوں سوہمندیء وتی سرجمیں جوہر ء بودشاں کارمرز بہ کن انت۔ اے سگار پہلی کیشنزء نیگء شانزدہمی سیریز انت۔

سگار پبلیکیشنز

www.bsoazad.org

